



Bretagne ma vie

& Daniel CUEFF

MANIFESTO

War-du un danevellañ
diazazer nevez evit Breizh

Breizh
ma buhez



“ War-du un danevellañ diazezer nevez evit Breizh

Maer a-enor Langoed, bourc’hadenn brudet evit bezañ oberiant kenan e domani an ekologiezh kevredigezhel, e ‘m eus diskouezet a-viskoazh deur ouzh ar mod da lakaat an ekologiezh evit an holl d’ober kammedoù war-raok. Kendrec’het on e ranker klask hentoù nevez evit ma vo an ardreuziñ ekologel ret afer an holl hag evit an holl.

Gallet ‘m eus mont a-nevez gant an hent kemeret goude ar brezel gant ar CELIB (Comité d’Etude et de Liaison des Intérêts Bretons). Paour-glez oa Breizh er mare-hont hag hollvresk ar gounit-douar, spontus an divaeziañ.

Gwazed ha maouezed ‘zo o doa divizet neuze lakaat o barregezhioù hag o chem e boutin evit sachañ Breizh a wall dro. Eno oa gaollourion, dizalc’hourion, komunourion, demokrated kristen, sokialourion, labourerion, kouerion, moraerion, patromed, skolveuridi, ha kement a vez, holl a-gevret evit an un krog : degas diskoulmoù da gudannoù Breizh.

Disoc’hañ a reas an unaniezh amc’hiz-se gant sevenadoù kaer er bloavezhioù 1960-1970, a seurt gant steuñv hentoù Breizh, PSA, Lannuon, ar Brittany Ferries, ar gounezerezh hag ar gounezvouederezh. E-doug ar 50 vloavezh aet hebiou abaoe ez eus bet stummet gant an unaniezh-se ur Vreizh arnevez, gounezerez, berzhed. Ur Vreizh a rank talañ hiziv ouzh daeoù a ampled divent.

Daoust ne c’hallfemp ket assammañ ar c’houlz istorel-se, adkavout spered ar CELIB a-benn talañ, en tu all da santerezh reizh pep hini, ouzh an aozioù hinel nevez a gemer o c’hreñv war hon armerzh hag hon tiriadoù ? Kemm a reont dija buhez ar Breizhadezed hag ar Vreizhiz hiziv an deiz ha kalz muioc’h c’hoazh warc’hoazh.

Goude embannadur an dribun “Je signe Bretagne” he doa bodet, hep na voe graet forzh brud diwar e benn, 900 sinadur, hon eus meizet a-stroll neket hepken e oa gallus mont gant an hent-se met ivez e oa c’hoantaet.

Alese al listenn hon eus savet evit gounit an dilennadegoù ranndirel a ‘m eus an enor da ren. Bodañ a ra al listenn-se maouezed ha gwazed o deus asantet da “gregiñ e-barzh” evit kas un ober foran louereel en-dro da zaeadennoù nevez evit Breizh evit an holl ha gant an holl. Diskouez a ra end-eeun, diforc’hioù diazezer e-keñver ar c’hinnig politikel boaz.

Daniel Cueff

■ Kentañ diforc’h : ul listenn bolitikel distrollad

N’eo ket perc’henned ar bolitikerion war ar politikerezh, war dazont Breizh nebeutoc’h c’hoazh.

Emañ boud, emañ seizet ar c’hozh renad, an hini a anavezomp abaoe 50 vloaz, gant e emglevioù etre strolladoù, dic’houest m’eo da empentiñ an dazont, da werediñ war an hin ha da dalañ ouzh an daeoù kevredigezhel, trevvael, armerzhel ha kulturel.

Kredomp digeriñ hon daoulagad !

A-yoc’h eo bet ar re yaouank o kerzhout evit an hin. N’o deus ket gortozet aotre ar strolladoù evit diskelañ pa na rae ket ar galloudoù politikel ur van.

Ne fell ket dimp emvac’hañ e kaozioù politikel toull. Hep strollad e vo neuze al listenn a ginnigimp ha ne vo ket he fal sevel unan nevez.

“Breizh, va buhez” zo anezhi listenn Breizh nemeti oc’h embann ar mennad da zougen un erbar politikel distrollad ha neuze, dizalc’h a bep goulevierezh, gouestlet da ziorren Breizh hepmuiken.

■ Eil diforc’h : ur mennad na dec’h ket rak ar beziadoù

Pezh a hetomp eo lakaat eskoriñ un dialusk gant Breizhadezed ha Breizhiz o deus komprenet e c’houlen an direizhadur hinel, disleberadur ar bevdisurtelezh, an enkadennoù trevvael, yec’hedel, armerzhel, kevredigezhel ha demokratel ul lennadur politikel nevez. Ar skod evit Breizh, e-lec’h ma c’hellomp efediñ, zo hiziv ken kreñv ha ma oa dizieneziñ goude an Eil Brezel Bed.

Bevret eo ar mennad-se peogwir eo tonket nep armerzh da vont da get ma ne sav ket da vout padus. En arvar bras en em gavo warc’hoazh ar broioù hag ar ranndirioù na sterniont ket adal hiziv.

Ret eo dimp ivez kompren gwelloc'h ha diawelout ar riskloù nevez – pe ankouazhet ganimp abaoe un nebeud dekvloaziadoù – a-benn emaozañ ha talañ outo diouzh ar gwellañ. E-se, da skouer, diogelroez an emvoueta : gourdrouzus eo deuet ar c'hemm hinel evit hon pleustroù gounezel (douaroù treutaet, koazh askorad an trevadoù en abeg da sec'horvezhioù seul wech kreñvoc'h ha paotoc'h a sach d'ho heul amzalc'h ouzh dour o vont skort, kouezh herrek ar bevdisurtelezh ouez ha gounezet, liesadur an hollreuziadoù er magerezhioù, ...). Ha hiziv c'hoazh emañ hon holl aozadur-emvoueta (hag hon armerzh dre vras) re e dalc'h an tireoul war heskaat.

Dougen a ra ar mennad-se an embregerezhioù koulz hag an aozadurioù foran da gaout ur sell a-ziforc'h war an natur ; o broudañ a ra da zezaouiñ hegoulzioù nevez o liammañ obererezh ha berzh-mat padus. Keloù mat eo gouzout ez int diniver hag ez eo meizegezh mab-den un danvez dihesk. Emañ dimp-ni gouzout he enluskañ hag hon emaozañ.

Ur stadadenn a boell, anavezet mat c'hoazh ha rannet a-vras :

* E dalc'h enporzhiadur danvezioù krai strategek a ya war heskaat pe a zo diaes ouzh diaes o c'henderc'hañ hag o dezougen emañ Breizh : houarn, aluminiom, kartoñs, mezell, soja, ed-du, lin...

Penaos kenderc'hañ gwelloc'h pe amsaviñ an danvezioù krai-se hep kaout fall skog war an natur ?

* Ezporzhiañ a-yoc'h a ra Breizh en abeg d'he rouedad gounezel ha gounezvouedel dibar er bed.

Penaos kenderc'hañ, treuzfurmiñ hag ezporzhiañ gwelloc'h gant ur skog mat war ar bevdisurtelezh, ar gourc'hwel, korvoder al labourerion-douar hag ar yec'hed ?

* Ne vez ket Breizh ar varregezh kinniget dezhi gant he lec'hiadur douaregorel ha morel. Graet en deus al lec'hiadur-se e-kreiz biz ar meurvor Atlantel hag e genoù ar Vañch he berzh-mat hag he brud un amzer bell zo. En desped d'ar gourdrouz o sevel e chom ar pesketaerezh, ar c'hreginerezh, an obererezhioù difenn, ar bageerezh hag an imbourc'h tuioù kreñv armerzh-mor Breizh. Met niverus eo ar gennadoù chomet amdiorreet : moraerezh ar marc'hadourezhioù, an treizhid hag an ijinerezh-porz, ar gremmoù-mor aznevezadus, ar bezhinerezh, ar sevel listri ha bigi-bale, ar start-upoù eus domani ar mor, arempred ha talvoudekadur an inizi, desavadur ar yaouankizoù d'ar mor, ar stuzegezh-vor...

Penaos krouiñ ur raktres hollel eus an diorren-mor breizhat ?

Un denesaat dialuskel ha kevelourel

Kaset e vez mererezh ar Ranndir abaoe re bell amzer, degouezh ha degouezh, hep strategiezh hirdermen, hep erbar boutin, hep dialusk mammenn c'hoanag.

Mar kinnigomp leuskel hon bannieloù politikel bezus a-gostez, lakaat en ur geñver hon emzalc'hioù kealiadel, ez eo evit gwir evit asantiñ pegañ asambles war al labour. Talañ ouzh daeou divent a rankimp, gourlakaet ez int dimp c'hoazh ha hep damant gant direizhadurioù an hin.

Daveet ent istorel d'ar CELIB e chom nevezus an doare peogwir e toug ster en hon bro. Gouzout a oar Breizhiz emsevel ha labourat e rouedad.

Ur mennad kreñv eo hep ket a var. Diazezet eo war ar fed e c'hell pep Breizhadez ha pep Breizhat, pep embregerezh, pep kreizenn imbourc'h, pep strollezh kendaoliñ da gas an erbar armerzhel ha kevredigezhel-se d'ober tro-vat.

Bez' e rank ar Breizhadezed hag ar Vreizhiz bezañ kalon, keflusker ha degemererion bennañ ar politikerezh nevez-se.

Seizh daeadenn a vo neudenn vlein hon ober

An Daeadennoù evit Breizh a anata an erbar stroll bras a ginnigomp d'ar Breizhadezed ha d'ar Vreizhiz kas a-gevred evit an dazont.

Kreizet e vo nerzh hag araezioù ar C'huzul ranndir war enlusk nerzhioù bev ha tiriadoù Breizh. Pedet e vint da anaout ha da lakaat da dalvezout a-gevret an diskoulmoù azasañ diwar ar beziadoù lec'hel. Penn-da-benn al leuriadvezh e vo an daadennoù-se neudenn vlein hon ober.



Lakaat a ra an Daedennoù evit Breizh kemm etrezomp hag ar re a soñj dezho e rank an armerzh emzistagañ diouzh pep destrizh trevvael en anv ar gourc'hwel pe an arc'hant.

Lakaat a reont kemm etrezomp hag ar re a gred dezho ez eo an embregerezhioù noazus d'an trevva dre natur.

Erziwezh, lakaat a reont kemm etrezomp hag ar re a sav "war un dro" a-du gant ur savboent ha gant an all !

Da boent an direizhadur hinel ha bedreuziad ar c'hCovid 19 e haeromp ned eo ket fur ken na gallus zoken da gorvoiñ hon loazioù naturel en un doare na zouj ket d'ar badusted, ned eo ket posubl dimp kennebeut disammañ marc'had-mat e goustiañs dre santualaat un nebeud egoroù natur en ur zilezel ar peurrest. Ret eo dimp klask sevel darempredoù yaus ha padus gant an natur heñvel-heñvel e-lec'h ma vevomp ha ma labouromp kentoc'h eget tremen gant gwareziñ an natur ouez en un nebeud egoroù dibabet, diamen diouzh kevredigezh an denion, ha kondaoniñ an holl egoroù all da c'houzañv dismantr ha saotradurioù. Bez' e rank an egoroù annezet gant an denion bezañ dellezek a evezh hag a warez. Daoust ha ned eo ket un afer a skiant vat ?

Bremañ an hini eo e kemer an armerzh-se e wrizioù, war diazez ar barregezhioù o ren e Breizh a jaojo al lec'hedoù ober a-benn tizhout cheñch penn d'ar vazh en ur ober 10 vloaz.

An armerzh-se, arnevez da vat, ar c'hevoazh padus-se, ned int ket un utopiezh, pell alese. Gwir eo dija en Europa gant an Origin Green iwerzhonat da skouer, pe ivez gant ar Park 20/20 en Amsterdam. Gwir eo ivez evit a sell embregerezhioù breizhat pe etrebroadel niverus, a seurt gant ar strolloù Desso ha Rainett.

Un amkan sklaer hag un degerzh pragmatek

Hon amkan, er par armerzhel, zo diorren ur Meneger Ranndirel a Gevoazh Padus e Breizh, ur benveg muzuliañ ha merañ efedus, aes ha louere, evit ober e doare neket hepken na vo ket distrujet ar bevdisurtelezh, ar yec'hed, ar c'hevoazh lec'hel hag ar gourc'hwel gant an armerzh met er c'hontrol evit ma kendaolo d'o assevel ha d'o nerzhekaat.

E-keñver stad ar bed, ne c'hellomp ket ken tremen gant klask terriñ war an direizhadur hinel. Ret eo dimp azasaat hon obererezhioù hag hon modoù bevañ evit m' en devo hon armerzh ur skog yaek war an hin, ar bevdisurtelezh, ar beved, yec'hed an den hag ar gourc'hwel.

Ned eo ket dister an amkan-se : reiñ a raio tro neket hepken da sturiañ dibaboù politikel hag armerzhel ar Ranndir met ivez da enluskañ Breizh en he fezh gant un hent kreñv ent armerzhel, diouzh kevreañ an holl youloù mat hep ket unan ha lakaat da gejañ holl varregezhioù Breizh a gaver en embregerezhioù, er skolioù-meur hag o c'hreizennoù imbourc'h, er c'hevredigezhioù, er strollelezhioù lec'hel... Ne vo ket ar Meneger Ranndirel a Gevoazh Padus ur bitrak nag ul label ouzhpenn. Bez' e vo er c'hontrol kalon wezhiadek erbar armerzhel, trevvael, kuturel ha kevredigezhel Breizh ; ar benveg a rank aesaat ambrougañ an embregerezhioù a fell dezho prederiañ war o ristennoù talvoudoù, a-benn diorren gwerzh ouzhpennet lec'hel hag emsavlec'hiañ evit talañ ouzh ezhommoù oc'h eskoriñ. An degouezh e vo ivez da enluskañ ar barregezhioù breizhat en imbourc'h ha diorren.

An holl embregerezhioù a gavo mat a vo pedet d'ober kinnigoù, war diazez o zroioù berzh er par trevvael ha kevredigezhel eus ar poent, evit frankizañ marzoù diagresk louere, bevus ha mentadus. Durc'haat a raio ar Ranndir e skoazell armerzhel, kuit a ziforc'h hervez ar gennad obererezh, davit un amkan meur : krouiñ gourc'hwelioù dezho ur werzh ouzhpennet kevredigezhel ha trevvael uhel en holl diriadoù Breizh.

Gouzout a ouzomp hiziv emañ kevoazh armerzhel padus un tiriad e dalc'h diseurted e wiad embregerezhioù. Emañ hon armerzh ranndirel, arbennikaet kenan c'hoazh, lec'hiet falloc'h eget ma rankfe bezañ en domani-se. Un lusk stroll nevez zo ret evit degouezhout gant ur steuñv her ac'hann da 2050. War roudoù "Produit en Bretagne" (Kenderc'het e Breizh) e kinnigomp krouiñ "Industries en Bretagne" (Ijinerezhioù e Breizh) a engwezhio hon ranndir da ziorren, a-vras hag e lies gennad, embregerezhioù durc'haet war nevidoù dibarzh ha diavaez da zont.

Gouzout a ouzomp ivez e vo trebaderezh an embregerezhioù mui ouzh mui e dalc'h o barregezh d'emazasaat ouzh arreadur an enkadennoù en ur duañ davit ur skog yaek war ar gourc'hwel, ar yec'hed, an heberzh bevañ hag an trevva. Ambrougañ a raimp ar strivoù emazasaat-se.

Asambles ez omp gouest da dalañ ouzh an daeoù-se.



Gant poell hag evit startaat an danevellañ breizhat nevez e vo ar Meneger Ranndirel a Gevoazh Padus hon nadoz-vor bolitikel en hon darempredoù gant Broioù ha strollelezhioù Breizh.

Kement-se a sello ouzh an holl ober foran hag ent dibarek :

* Lakaet e vo paouez da zinatradur an douaroù gounit ha d'ar gwalloù graet d'ar bevdisurtelezh e gounid azbevaat kreiz ar bourc'hioù hag ar c'hêrioù.

* Enlusk ur politikerezh-mor dre azbevaat hag adgreantelaat perzhier Breizh ha krouidigezh linennoù aocherezh doujus ouzh an trevva a vo ur mennad rannet dre ret.

* Emrended c'hremmel Breizh. Hag i rakkemennet hag ampellet dibaouez, efedoù ar c'hengrad tredanel breizhat a vez hiraehz dezho. Ni a roio d'ar c'hengrad-se aer fresk, addurc'hadennou ret ha kontrollerezh demokratel startaet. Enlusket e vo ganimp ur politikerezh gremmel nevez, e liamm gant an uniadoù tredanañ departamantel a-benn herouezañ an dilontegzh c'hremmel, ar stignadoù unanvezeziñ stroll, ar c'henderc'hañ hidrogen diwar gremmoù aznevezadus, ... Krefen niverus a c'houlenn kenurzhiadur, perzhiadur keodedour ha rouedadur stank tiriad Breizh e darempred gant an embregerezhioù, al logistikourion hag ar strollelezhioù breizhat.

* Buanaet e vo staliadur ar gouruhelgas (a-boan 35% eus Breizhiz zo skourret ouzh ar rouedad bezañ ma 'z eus 54% war diriegezh ar Stad !, gant diforc'hioù kevionded bras etre an tiriadoù). Ambrouget e vo ar politikerezh-se gant ur politikerezh hollet a-du gant un arver poellek eus kalvezderioù ar stlennañ hag aested haeziñ ar roadennoù niverel evit an holl.

* Fiñvusted an digarbonekañ ha ma vo tu, heruilhoc'h etre ar modoù dezougen disheñvel, ambrouget gant gwazadurioù nevez kevredet ouzh ar bleinoù etremodel (kenwerzhioù, gwazadurioù, heled niverel, skoazell d'an hinienn, ...). Azbevaat a raimp ar fred dre hent-houarn e Breizh. Er memes doare e vo lusket a-vras an dezougen boutin a chom skort ar c'hinnig en e geñver e Breizh.

* Ar gennad kulturel, parenn vras a hevoud, a unvanded kevredigezhel, a hevelepted stroll hag a zemokratelezh, zo ivez ur barenn bennañ eus gourc'hwel ha diorren armerzhel an tiriadoù (kendeurel a ra 7 gwech muioc'h da KDK Frañs eget an tangarrerezh). Dindan ur politikerezh ranndirel kendoniet ha kreñvaet e vo.



■ Trede diforc'h : Ur skouer a vererezh digent a endalc'h ar Breizhadezed hag ar Vreizhiz hag a gemer sol war o c'hrouusted hag o intrudu.

Bep bloaz e ra Ranndir Breizh galvoù da raktresoù stummet diouzh re ar Stad. A-benn kaout ur chañs da vout skoaziadennet e ranker ijinañ diwar netra ur raktres evit “mont e-barzh al logoù”, pe neuze kemm raktres an-unan evit ma c'hallfe “mont e-barzh al logoù”, pe c'hoazh, peurliesañ, dilezel respont d'ar galvoù da raktresoù-se, re gemplezh, re bell diouzh buhez an aozadurioù.

Pa zegouezh, dre vuzhud, gant ur raktres “mont e-barzh al logoù”, ne c'hell ket ken dont er-maez anezho, o vezañ m'eo gronnet gant kevratoù, kellidadurioù, argerzhadurioù na aotreont ket an neveziñ na ne zalc'hont kont eus ar beziadoù.

Freuzañ a raimp an holl c'halvoù da raktresoù e gounid galvoù da ginnigoù evodet eus nerzhioù bev Breizh. Enlakaet e vo ar galvoù da ginnigoù-se e-mesk an daeadennoù a vo bet talvoudet gant ar Breizhadezed hag ar Vreizhiz da boent an dilennadegoù ranndirel. Echu gant an argerzhadurioù difin, echu gant ar politikerezhioù teurvoudek “krec'h” “traoñ”, echu gant an amaezhiezh teknokratek ! Digreizennañ a raimp an amaezhiezh ranndirel e doare ma vo nesoc'h ouzh an tiriadoù evit ambrougañ ar c'hinnigoù evodet diouto ha, war un dro, kas da benn vat kefridiezhoù gwazerezh foran ar Ranndir diouzh ar beziadoù lec'hel.

E-se e vo digor d'an holl galvoù da ginnigoù ar Ranndir : ar c'humunioù, ar strollelezhioù lec'hel, ar c'hevredigezhioù, an embregerezhioù, ar bodadennoù keodedour an 28 bro hengounel hag ar c'huzulioù diorren.

C'hoant o deus ar Breizhadezed hag ar Vreizhiz ober drezo o-unan : Dimp-ni o skoazellañ kentoc'h eget derc'hel strizh warno hag o c'hontrolañ dre ur vurevouriezh ken diezhomm ha m'eo gaouus ouzh an ober.

Lakaat a raimp war wel an ober louereel ha neket ar c'hantadoù a emvodoù, a boellgorioù leviañ, a c'houlunioù teknokratek a vez o lastrañ ar strollelezhioù lec'hel ha tiriadel hag a zo stroboù ouzh an ober.

Adwelet e vo ivez an diraez d'ar marc'hadoù foran en ur zoujañ strizh d'ar reoliadur ha d'ar voullted diziouerus goulennet groñs gant Breizhiz.

Erduet e vo d'an embregerezhioù, war sol o ampegadur en daeadennoù, hini ar Meneger Ranndirel a Gevoazh Padus peurgetket. E-se, e renk kentañ an ober end-eeun e vo an embregerezhioù breizhat.

Anv zo ervat da skorañ, dre an urzhiadiñ foran, an embregerezhioù breizhat kembeliek evit respont d'ar marc'hadoù foran. Un afer a bolitikerezh armerzhel tiriadekaet eo a zegaso savadoù evit ar strollelezhioù.

War skouer ranndirioù gall hag europat all e kinnigimp diazezidigezh ur font riek gouestlet da ziorren padus an armerzh breizhat.



■ Pevare diforc’h : freuzidigezh ar c’hevezerezh diezhomm

Feukus ha distrujus eo a-berzh ar Ranndir lakaat kevez etre ar c’hreizennoù stummañ pe ar c’hevredigezhioù anarc’hantus war diazez galvoù da raktresoù. Kement-mañ a vreska ar frammoù-se, a zegas distabilded er barregezhioù, a laka ar c’hoskoroù en arvar hag a zec’han bep bloaz entremar evit a sell ouzh ar c’hellidsteuñvoù.

Kentoc’h eget goulenn digant ar c’hreizennoù stummañ, ar c’hevredigezhioù, ar c’hreizennoù imbourc’h respont da c’halvoù da raktres e c’houlennimp diganto ober kinnigoù a gendaolo d’ar Meneger Ranndirel a Gevoazh Padus hag e kinnigimp dezho ur c’hendivizad 5 bloaz.

Ne vo ken a deuliad-skouer da leuniañ, ne vo ken a gevezadur etre ar c’hreizennoù stummañ, ar c’hevredigezhioù hag (pe) ar c’hreizennoù imbourc’h.

Menegiñ a raio ar Ranndir a-benn-kaer eo dalc’het a-gentouez an holl raktresoù ma ‘z int louere, kantreizh, ma ned int ket divuzul ha ma kendaolont d’ar Meneger Ranndirel a Gevoazh Padus. Kevraouet e vo gant dougerion ar c’hinnigoù-se gant ar pal da ziegelaat ar frammoù (pezh a zo a bouez bras er gevredigezh vreizhat a zo breskaet evit ur pelloù gant enkadenn ar c’hCovid19), da vestroniañ ar c’hellidsteuñvoù en amzer, hini ar Ranndir e-barzh, da engouestlañ ar Stad hag Europa ha da sevel embrizadurioù a-benn doujañ d’ar Meneger Ranndirel a Gevoazh Padus peurgetket.

■ Pempvet diforc’h : ur gouarnerezh breizhat digent

Evel an holl Frañsizion e fell hiziv da Vreizhiz un demokratelezh buhezekoc’h. Evel holl ensavadurioù ar Republik e rank ar Ranndir dont da vout demokrateloc’h da vat.

Neuze, ken abred ha staliet ar C’huzul Ranndir hag o kemplegañ d’al lezenn, e kinnigimp danzen ur reoliadur diabarzh a zeuio da vout karta diazez ar gouarnerezh ranndirel.

Bez’ eo un nevezadur a bouez eus mont en-dro demokratel ar C’huzul Ranndir :

Daou ensav pennañ ar C’huzul Ranndir a vo :

. Bodadenn Breizh, a yelo d’he ober ar 76 kuzulier ranndirel, leviet gant ur gadoriadez pe ur c’hadoriad ha 2 eilkadoriad(ez) kemparek,

. ur gouarnamant, dilennet gant ar Vodadenn, a yelo ur c’hadoriad pe ur gadoriadez ha 6 kadoriad(ez) kemparek d’e ober.

Savelet e vo he deizroll gant Bodadenn Breizh, ha diwar-se he folitikerezh ranndirel, e liamm gant ar gouarnamant ranndirel, broioù Breizh, ar strollelezhioù lec’hel, tiriadel ha Kuzul kulturel Breizh.

Bez’ e c’hello Bodadenn Breizh dizorniañ he gouarnamant.

Bez’ e c’hello ivez, war grefen resis-tre dilezet hiziv en abeg da arc’hwel ar strolladoù hag an ensavioù, kengervel ur Gambr geodedour enni 40% a guzulierion ranndirel ha 60% a geodedourion enskrivet war rolloù dilennel 5 departamant Breizh istorel tennet d’ar sort diouzh modelezhoù an demokratelezh eeun. Klozadurioù ar Gambr geodedour a vo lakaet dindan boblaters (ma ya an danvez anezhañ en tu all da gembeli ar Ranndir), pe a vo darbennet gant ar Vodadenn (mar sell an danvez ouzh ur politikerezh a wir kevredin ranndirel).

Kreñvaat a raimp Kuzul Ranndirel ar re Yaouank. Demokratelaet e vo



an doare d'e ezholiñ hag ar mont en-dro anezhañ a vo divizet gant ar re yaouank.

Embannet e vo holl sifroù postadurioù ar Ranndir en "open data" war e load ha war ul load krouet a-ratozh, digor d'an divizoù ha d'an nagenniñ.

C'hwec'hvet diforc'h : un obererezh kevredigezhel stroll ha kentizhek

Ne dalvez netra kas un ober politikel evit un dazont gwelloc'h ma ned eo ket diogelet pemdez o ren ar Breizhadezed hag ar Vreizhiz.

En abeg d'an heuliadoù kevredigezhel hag armerzhel grevus devoudet gant ar c'hCovid 19 e strivimp da gentañ holl hag a-dizh da ziogeliñ surentez hiniennel ha tiegezhel evit an holl hervez pevar ahel :

- . Diogelroez bouedel
- . Diogelroez yec'hedel
- . Diogelroez al lojañ
- . Diogelroez desavadurel

Anv zo aze eus ur politikerezh foran argadus a zo o vont da gevreañ ar c'hevredigezhioù youlel, karitezal hag genskoazell, ar c'humunioù, ar strolloù kumunioù, an departamantoù, ar feurmerion gevredik, ar skolioù, al liseoù.

Difenn kreñv a raimp ar mennoz e c'hell an hiniennoù hag an tiegezhioù kavout o-unan ar respontoù d'ar c'hudennoù a sell outo. Kentodennoù dave niverus e Breizh a zalc'h hon evezh, a seurt gant an Tiriadoù dizic'hwel hirbad (ATD Quart Monde) pe al luskad Castors, ganet e Breizh, a vod tud a sav tiez-annez o labourat a-stroll.

Kinnig a raio ar C'huzul Ranndir d'e gevelerion ensavadel kenurzhiañ o strivoù hag o araezioù a-benn bezañ gouest da ragarveziñ asambles an enkadennoù boued ha yec'hed.

Kendrec'het omp n'eus nemet ur gevredigezh gwelloc'h ha suroc'h hiziv a gement a c'hell aotren ur gevredigezh eürusoc'h warc'hoazh.

Seizhvet diforc'h : lakaat fiziañs

En Bertègn, le monde ement ben qhere ao meme four. La viy des An darempredoù kevredigezhel e Breizh zo unan eus hon pinvidigezhioù pennañ. Degas a ra ar vuhez kevredigezhel, en he diseurtelezh holl, diskoulmoù na vezont ket klevet pe ne vez ket taolet pled outo re alies. Pell re a gevredigezhioù a gas gwall galz a amzer o klask skoaziadoù pezh o distro diouzh an ober gwirion.

Ken abred ha penn kentañ hon leuriadur ez aimp da gaout pep hini eus ar c'hevredigezhioù skoaziet gant ar Ranndir evit tennañ splet eus o anaout ha dielfennañ o c'hinnigoù diouzh ar skog o deus er ranndir pe er broioù ma emaint gwriziennet o kemer ar Meneger Ranndirel a Gevoazh Padus da zave.

E kendon gant ar strollezhioù kembeliek e kinnigimp neuze ur strategiezh a-ziforc'h evit pep kevredigezh a ranko reiñ da c'houzout he obererezhioù e-doug 5 bloaz.

E-se, da skouer, e kinnigimp :

- . d'ar c'hevredigezhioù sevenadurel, d'ar festivalioù savelañ gant ar C'huzul Ranndir ur steuñv saveteiñ ha herouezañ ar c'hultur e-doug 6 vloaz,
- . d'ar c'hevredigezhioù stourm diazezañ gant ar Ranndir ur steuñv Marshall e gounid yezhoù Breizh hag ur strategiezh hirdermen gant disoc'hoù muzuliadus er 5 bloaz da zont,
- . d'ar c'hevredigezhioù sportel ober kinnigoù evit herouezadur ar pleustroù sportel evel parennoù a ziorren lec'hel hag a zesaverezh poblel.



Evit klozañ

Ha dont a raimp a-benn ? War c'hortoz a gement-se emamp, met sklaer eo eo a-gevret e raimp tro-vat pe ne raimp ket. Dont a raio da wir ma tiviz un niver bras a dud ober e doare ma teuio Breizh da vout harpus erziwezh.

Dellezek eo Breizh eus ur gwir vreud demokratel, o kemer sol war ar veziadelezh pemdeziek a anavezomp ha war ar pezh ez omp. Evit-se e kinnigomp ur politikerezh diazezet war ar fiziañs, ar c'henskoazell, ar c'hengred hag an ober hon distoko diouzh ur gevredigezh a 'r brete.

Ur politikerezh a ouio lakaat gwriziennadur ha digorentez da glotañ. Diwar komzoù ar barzh portugalat bras Miguel Torga e kred dimp "ez eo an hollveziadel, al lec'hel hep ar mogerioù".

